



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Expedita Juris Divini, Natvralis, Et Ecclesiastici Moralis  
Expositio**

**Tamburini, Tommaso**

**Coloniæ Agrippinæ, 1665**

An vino vendendo misceri aqua possit? paragr. unic.

**urn:nbn:de:hbz:466:1-40132**

famulus non servivit, ab ipso demere, illum-  
que dimittere; Sicuti enim votum jejunandi  
huic anno, vel huic dici addictum, anno, vel  
dicti transfacto, non amplius obligat, ita Con-

ductio, & Locatio, sive domus v. g. sive  
famulus pro hoc anno, vel die, iis exactis,  
non amplius obligant,

FINIS TRACTATUS QUARTI.

# TRACTATVS V. DE EMPTIONE ET VENDITIONE.

Remissivè.

**D**icitur. E hoc argumento latè, & plu-  
ribus egi in libris a Decalogi;  
quare ibi dicta non sunt à me  
repetenda, nisi fortè Typo-  
graphus velit totam illam tra-  
lationem hic ad Lectoris  
commodum transcribere, quod certè non re-  
cusarem.

An Vino vendendo misceri aliquando possit  
aqua.

Ne autem inutile sit hujus Tractatus me-  
minisse, libet sequentem difficultatem per-  
tinacientem ad Venditionis, Emptionisque  
argumentum, diligenter excutere.

## §. Unicus.

An Vinum aqua dilutum possit aliquando vendi  
pretio vini puri?

b Lib. 8. 1. D Ixi b alibi in hanc sententiam. An  
Ducal. Tr. immisceri aliquid possit rei extraordina-  
s. c. 7. §. ria bonitatis, & conflatum sic redditum & quale  
s. n. 4. ceteris, taxato pretio, vendere, ut frumentum  
electum mixtum ordeo, vinum generosum mix-  
tum aqua?

Ripondeo, Concederem id aliquando frumen-  
to, sive unquam vino.

2. Hec ibi dixi, nun c' verò, re diligenter  
expensa sic ajo: Concederem id aliquando fru-

mento, nunquam vino. Ita communiter de vi-  
no, Doctores, & Rationes multæ ad id asse-  
rendum me urgent. c petr. de  
Ledes. Re-  
bell. Salas,  
Med. Mol.  
Nav. Ro-  
reddis & quale vino, quod in eodem foro  
venditur: tuum enim valde generosum facis,  
ex aqua, simile communi vino debili. At  
omnino falsum est, vinum sic reddi & quale,  
vel simile vino communi: Ergo caput non  
habes, unde & qualis pretio vendere possis.

Minor adeo vera est, ut potius explicatio-  
ne indigeat, quam probatione. Vinum tuum  
est conflatum ex vino, & aqua: Vinum fori  
est vinum solum. Ergo tuum non est reddi-  
tum huic & quale, vel simile. Licet enim igno-  
ranti mistionem & quale, vel simile appareat,  
verè tamen hujusmodi non est; sicuti manus

Jacob, qua' apparebant manus Esau, verè tamen manus Esau non erant. Quādmodum  
ergo, nisi ibi latuisset Mysterium, verè Jacob  
parentem deceperet, ita tu decipis Ementem.

4. Atque hinc emergit secunda ratio du-  
cta ex involuntario. Si Emptor adverteret,  
in vino adesse aquam, communiter nollet,  
illud sic emere, Emens enim vinum, substan-  
tiā vini perit, non substanciam aliam. Er-  
go involuntariè tuum vinum emit, ergo tu  
iniquè vendis. Dico (communiter) nam esto  
aliqui de hac mistione nil fortè laborent, cer-  
tè in tanta copia Ementum semper non pau-

Gggg 3 ci

ci nollent sic emere. Saltēm igitur hos, qui involuntarii sunt, decipis.

5. Tertiō, etiam si concedatur (quod tamē minime concedi, dicām mox nū. 13.) re non obligari ad restitutionem, si quando das tuum vinum, quod mixtum illa aqua verē tanti pretii astimetur, quanti tu vendis; At quis te liberabit à peccato, quo per dolum, & fraudem ementem inducis ad emendum? Si ego te fraude, vel vī, vel merū co npellam ad emendum meum v. g. Equum, justo, immō modico pretio, quo valet, nonne sum tibi injurius, & contra te pecco, dum fraudem induco, vel timorem in cito?

6. Quartō. Quia magna est disparitas inter vinum, & frumentum, illiq̄ue similia, unde concedere, aliquid possumus mixtionem illam frumento, aquæ autem infusione nunquam vino. Disparitas autem est duplex. Prima. Quando in frumento, quod communiter venditur in foro, adest aliqua Ordei v. g. vel lolii pars illi commissa, tuum autem sit sincerum, & purum, si Ordeum, vel lolium, vel quid simile addas tuo (nam addere terram, arenam, vel quid omnia no diversum, quod simile non est in frumento fori, non concedo) æquale, ac simile facis tuum illi, quod venditur communiter in foro, quod æquæ mixtum est Ordeo, lolioque. At non ita in vino, cui admisceatur aqua. Vinum enim fori est sola substantia vini, non ita tuum, quod à te factum est vinum, & aqua. Hinc facile concedam, posse te vino generoso admiscere vinum tenue (nisi aliud obstat) sic enim reddere illud potes æquale vino communī, non vero, aquam, quæ est peregrina substantia à vino. Dixi (nisi aliud obstat.) Nam, si adsit lex v. g. ne vinum unius Regionis vendatur tanti, quanti venditur vīnum alterius, sancitū tunc non posse fieri mixtio illius vini cum hoc, illudque pretio hujus vendi: ut ex se patet. Sed haec est alia quæstio, de qua alibi. Præterea, si vinum fori communiter venderetur mixtum aqua, concedam, licere tibi aquam immiscere tuo generoso, & puro vino, quia sic facis tuum communī vīno æquale. At vinum fori tale esse non supponit, immō, nec præsumitur, præsettum hic Panormi, ubi adeō rigorosa lex adest, ne vīno vendendo admisceatur aqua, ut pœna plectatur is cœnopola, qui in sua officina, vel parvum, aquæ vasculum habere, inveniatur,

7. Secunda disparitas. In tuo vīno latet deceptio, quia illius Emptor aquam in eo, seu alienam substantiam nequit discessere, atque adeo est involuntarius, ut dicebam, ea emenda: At in frumento facile potest advertere, intercurre Ordeum, vel quid simile purgamentum, idque in tanta, vel tanta quantitate, &c.

8. Quintō. Si tantus rigor in arcenda aqua à loco venditionis vīni est in Republica, ut modo innuimus, tantaque vigilantia, ne fiat ejusmodi immissio, viger apud Rectores Civitatum, signum profectū est, magnum hoc esse civium damnum. Atque inde colligimus, eam mixtionem, quamvis aliunde prava non esset, esse ramen illicitam ex eo capite, quod non est aperienda via ad furta, & injusticias.

9. Sexta. Vinum merum usui est Consecrationi Sanctissimi Christi sanguinis; est aptum ad multa medicamenta, est ebibendum ab iis non raro, quibus nocumentum affer aqua, quamvis modica, & cuicunque, quamvis generoso vīno permista. Consule medicos,

10. Septima. Quid, si servandum sit vīnum ad multis dies? sane mixtum aqua accelerat facile, non ita, si sit merum. Vidi hīc conveniens Bonacina, & qui ita loquitur, a Deo ut videatur concedere, mixtionem prædictam, locum quando vinum est consumendum statim, etiam quod solet esse in venditionibus, ut loquuntur, ad minutum, non vero, quando in magna quantitate, quia in minutis non est diu servandum, sicut in quantitate negligibili, sed quæso, unde scias mensuram, quamvis parvam à paupere emptam, non esse conservandam ad aliquem diem, vel usque ad Vesperas? cum tamen experiamur vīnum aqua dilutum, etiam uno die, non infrequenter, accedere, vel saltēm notabiliter evanescere. Vel unde scias, non parari ad medicamentum, vel ad quid simile? Estigatur, id negligere, periculosum plenum opus ales.

11. Octava. Vīnum, ut habemus ex omnium Medicorum suffragio, digerit, & convertitur in alītum, cum aqua, quia est clementum, & non corpus mixtum, non converatur in alīt substantiam, sed sit tantummodo alimentum vehiculum. Hinc ergo sit, ut qui emit vīnum ebibendum, etiam statim, vīnum velut putum emere, ut possit ad suum libitum, vel, ut vehiculo uti, vel præcipue, ut alimento, non vero velit emere aquam,

quæ,

qua, tametsi generoso vino immista, substantiam aliti non adauger.

12. Afferam in hanc rem narratiunculam non illepidam, quam ab amico, qui præsens interfuit facto, nuper accepi. Appulit non multis ab hinc annis Panormum Civis Mediolanensis ex Comitum familia Nobilis, qui à paris Nobilitatis viro ad prandium non paucis aliis primoribus invitatus, magna, ut sit, elculentorum copia, & generoso nostrate vino exceptus opipare fuit. Sub finem convivii, incidi sermo de vino propinato, ex qua scilicet regione procreatrum est, dictumque est, ex latifundio Bachariæ prope Panorum. (An à Bacco nomen hoc duxerint maiores nostri, an aliunde, nobis incertum) similiaque fere esse non pauca, quæ ex viciniis locis ad nos afferuntur vina.

Tunc advena, laudate vinum Regionum suarum, nostrum deprimere, bibi suum sine timore, vel ebrietatis, vel offenditatis, amabile esse, gratum, suave. Contra, Panormitanum vellicare nimis palatum, in caput evolare protinus, sensus, ac rationem interturbare; de eo fortasse sapientium illam parvemiam usurpari, primum vini Calicem afferre sanitatem, secundum, delitias (sed certè dicebat, non mihi). At vero tertium, esse omnino venenum. Aderat ibi inter Ministros, convivio servientes, quidam homo, Leporum, (ut cum Catullo loquar) *dilectus Pater, & facetiarum.* Is ita Comiti respondebit: Nobis etiam, nobilissime vir, Panormi, suspectit artificium, quo, quando libuerit, generent vites nostræ vinum vino mediolanensi quam simillimum. Immo in Cella vinaria Domini mei hujus generis copia non deest. O lepidum caput, subjunxit Comes, bonum vinum, instar Evangelici Architriclini ad finem convivii reservasti? Adduc ad nos, amabo te, vel unum Calicem ex illo. Afferam, ille respondit, si jubes, & amphoram. His dictis, recessit homo à loco, & clam in remoto cubiculo, miscet rubro vino nostrati commodam aquam, eoque conflato plenam cyathum, viro Mediolanense vinum experenti, & expectanti, reverenter propinat. Ut vinum is delibavit. Proh dixit, quam excelleus vinum? hoc illud erat, quod ego exoptabam, quodque meritis laudibus extollo. Tunc facetus ille. Dicam, inquit, ingenuo. Locus, ac regio, unde præstansissimus hic latex advehitur, puteus est, fons

faliensis aquæ est: Quoties nos vinum tenuem Mediolanensi simile experimus, aquam infundimus, & Mediolanense procreamus. Plauum dedere assidentes Conviva. Sed Comes, ut erat vir cordatus perinde, ac festivus, sibi non defuit, responditque promptissime. Heus Domini: At ego, at nostrates, at Medici omnes vinum in stomacho volumus, non aquam. Ad quæ mutare ausus est nemo.

13. Ajo ergo, Ementem vinum, etiam ad potandum statim, vinum in stomachum trahicere, velle, non aquam. Unde, si tu illi hanc intrudis, injustitiam illi facis, ac restitutioni fis obnoxius, quia plumbum pro argento, pretio argenti, hoc est, aquam ex fluvio, pretio vini ex dolio, vendis.

*Quid de hujusmodi Venditione vini diluti, sentiant Doctores?*

14. Objicies. Delugo a dixit Concederem a Delug. rarissime vino, &c. ergo in aliquo, licet raro disp. 2.6. de calu, licebit. Rursus Lessius, b Bonacina, c Iust. à n. Diana, d citatis & aliis predictam missione 67. concedunt, cur ergo nos tam alieni ab illa re- b Leff. lib. cedimus?

Respondeo, Expende, Lector, naviter n. 83. hos quatuor Doctores, apud quos habentur c Bonacina cæteræ omnes aliorum fundamenta, & inde l. mox ci- tu ipse Judex decisionis esto. tando.

15. Delugo loco citato nu. 68. sic loqui- d Dian. l. tur: *Hac sententia concedens missione predi- mox ci- dam non mihi displicet cum aliquibus limita- tando.* tionibus. Prima est, quod verè nullum damnum e Lopez, Empt. ri sequi posse: nam si vinum aqua mixtum Jo. la servare veleret, detrimentum pataretur, eo, quod Crux, Ho- citius accerret, vel corrumperetur propter mob. qui aquam admistam: Secunda, quod, quando lege bus aude taxatum est preium, admisso non fiat ex mate- ex parte ria omnino peregrina, sed ex ea, quæ, seclusa Bancin industria, admiseri solet tali rei per se loquendo. singul. ca- Nam triticò in area, alia quadam semina di- su 220. verja, que cum triticò nasei solent, misceantur, sicuti, & palea, pulvis, sordes, que si in eadem solam quantitate misceantur ex indu- stria triticò puro, non extrahitur à statu, quem habet triticum lege taxatum. Vinum verò; seclusa industria, non solet esse mixtum aqua: quare lex taxans preium vim, loquitur de vino puro, quale est omne vinum ex torculari ex- tractum. & idem, qui habet centum ampho- ras vini puri, & admisso illis duas aqua, jam vendit

vendit singulas amphoras vini puri, pretio exceedinge iaxam, que sola refertur ad vinum purum.

Si tamen consuetudo esset alicubi, admisendi parum aqua vino, quando conficitur, quia id potissimum necessarium judicant ad perfectionem talis vini, non esset illa mixtura peregrina, nec prater intentionem legis, quia pertinet ad ipsam confectionem talis vini.

Quando vero pretium non est lege taxatum, & mixtio nullum assertum documentum, quo res minus bona sit, quam alia pura, non video, cur mixtio illa continet aliquid contra Iustitiam. Et paulo post: Infero Primo, quando pretium non est lege taxatum, mixtionem, etiam materia peregrina, non nocere, nec impedire, quod commune pretium pro illare accipiatur, si verè non secundum solam apparentiam, sed in sua bonitate, & utilitate equa valeret rebus puris. Aqua vero vino mixta rarissime excusare poterit Venditorem, quia licet vinum generosum sit, multum tamen patitur ob eam mixtionem, & ad plures affectus minus utile esse solet.

16. Hæc Delugo, in quibus animadvertis, quam limitatè, cauteque loquatur, unde, si arteutè ejus doctrina expendatur, apparebit, illud, quod rarissime concedit, esse solum, in eo casu, quem ipse idem dixerat, & nos a libi etiam admisimus, quando necessaria est ex arte ad vini confectionem.

**a Lib. 8. in Decal. Tr. 5. c. 7. §. 11. n. 6.** 17. Lessius l.c. sic habet: Si res ex admissione non esset minus bona, quam ea, que ab aliis vendiuntur, non esset condemnandus in iustitia, qui eodem pretio, vendoret, quia illa fraude nullum damnum infert Emptori. Cur enim rem suam non possit ad eum statum reducere, in quo sunt res aliorum, & tunc eam vendere eodem pretio, quo aliis? Fit hoc interdum in vino, tritico, & similibus speciebus, dum vino valde præstanti miscetur aliud tenui, vel aqua, aut tritico valde puro, Secale; ea tamen moderatione, ut non sint deteriora, quam, que ab aliis passim venduntur. Et paulo post: Crediderint tamen, talem posse puniri, tanquam specierum vendendarum Adulteratorem, & Empotorum deceptorem. Tales enim missiones sunt in Republica valde odiose, & Autores infames.

18. Hæc Lessius. Ubi vides Primo, eum loqui, cum quis rem suam potest reducere ad statum rei, quæ vendituri in foro, & in quo sunt res aliorum. At certè aliorum vina non sunt in statu vini lymphati ergo ad lymphatum Lessii dictum non se extendit. Sed se ex-

tendere solum, poterit, quando admisetur vinum tenui, vel illa modica aqua necessaria in confectione primordia vini, & de hac necessaria aqua ipse intelligentius est, quando dicit (Dum vino præstanti miscetur aliud tenui, vel aqua) illa enim necessaria aqua valde præstanti vino, seu musto adhiberi solum in aliquibus valde calidis, siccisque Regionibus solet, vel certè in aliis, quando suo tempore opportuna pluvia defuerunt.

19. Vides Secundò, moderationem ab illo affixam (ut non siant deteriora) at semper deteriorius sit vinum, ut probatum est. Vides Tertiò, quam severè damnat ejusmodi Venditores, dum eos vocat adulteratores, deceptores, Infames.

20. Vides Quartò, dum pronunciat, te posse puniri, ut Adulteratorem, & Deceptorem, manifestè docere, re in culpam, seu peccatum incidere (nec solum ex præsumptione, quam unam indicavit Valentia mox afferendus nu. 23. fine) pena enim iuste inferretur sine culpa. Quod si paulo ante, te non condemnavit iustitiae, unde colligere posses, te non obligari ad restitutionem, id est te non condemnavir, quia, ut ex predictis patet, loquebatur in iis casibus, in quibus tuis, tuumque vinum deteriora ex mixtione non fierent, & statum bonum similem aliis, quæ communiter venduntur, haberent. Id, quod, loquendo de vino, tunc est, quando vino præstanti admisetur vinum tenui, vel aqua illa necessaria in ejus confectione.

21. Bonacina, b cum prædictam mixtio-  
nem absolutè concessisset, has rationes ad-  
dicte: Primo, quia Venditor potest res suas ad eum statum revocare, in quo res aliorum existunt. Secundo, quia nullum damnum, vel injuriam infert Emptori, cum non teneatur illi tradere res majoris perfectionis, & integritatis, quam ab aliis vendantur. Tertiò, quia estimatio rei desumitur per ordinem ad usus humanos; cum autem res per admissionem recensitum sit adhuc aquæ utilis ad usus humanos, ad quos emittur (ut suppono) sequitur, Venditorem non peccare contra Iustitiam, nec teneri ad restitucionem. Quar-  
**b**to. 3. ap-  
td, quia sicut Venditor potest minuere mensuram, s. q. 20. quando alia ratione non potest justum pretium 4. Casu extorquere ab Emptore, ut ait Valentia, c. ita, 4. n. 17. qui vino generoso apponit aquam, cuius appositi. Sed cum ratione vinum non sit deterius eo, quod passim ab aliis venditur; nisi forte periculum sit, ut Emp-  
c Valen-  
tor

ter intentionem habeat illius servandi, sed vinum servare nequeat ob aqua admissionem. Et paulo post: Arcendi tamen sunt Venditores ab hisjusmodi millionibus, & fallaciis, &c.

22. Hactenus Bonacina. In quo Notas Primò, primam rationem non posse applicari ad rem nostram, quia vinum perquam à vini statu distrahitur. Secundam falsam nimis esse, damnum enim & injuria sit ementiti involuntariè. Tertiam est: idem falsam, vi- num enim lymphatum non est æquè utile ad usus humanos. Et ipse quidem dicit, (esse & quæ utile, ut suppono) quod certè supponete non debuerat. Præterea licet venditor non teneatur tradere rem melioris conditionis, certè teneatur, non tradere deterioris.

23. Notas Secundò, non rectè applicari eam doctrinam Valentiae ad casum nostrum: Aliud enim est, vendere rem demendo de mensura, & simul demendo de pretio (quod cum quibusdam conditionibus fieri possit, illib. 8, in diximus etiam nos alibi a ex eodem Valent. Tr. 11a.) Aliud est, vendere id, quod emens dist. 4. rectè non intendit emere, & quod caput est, p. 4. vendere eodem pretio, quo venditur alia substance, &c. hoc postea ius nunquam profectò docuit Valentia. Ecce ejus verba hic ad apicem excripta loc. cit. concludit, s. non autem quatta, ut citat Bonacina. Quando rei vitium adversatur intentioni absoluta, vel conditionali, sive sit occultum, sive de se manifestum, illicita est venditio, cum Venditor sciens. Emporens vitium rei ignorare, tacitus rem ei vendit. Si tamen vitium, neque absolute, neque conditionali intentioni empator adversetur, & Venditor justè minuit rei pretium propter illud virium, licita est venditio, quamvis rei vitium dissimuler. (Id semper intellige cum conditionibus, ab ipso loco cit. & à me loco item citato, explicatis.) Et paulo post: Similiter, si quis v. g. nollet dare justum pretium protanta mensura tritici, licite posset Venditor minuere mensuram tacitus, & dare illi tantum tritici, quantum justè emeretur pretio, quod ille vellere dare. Ceterum carendum est, ne in has parte permittatur nimia licentia Caponibus, & hujusmodi; nam hi ferè ex cupiditate lucri proclives sunt ad fraudes in mensurandis rebus, ut merito possit serè semper Magistratus presumere, illos inique facere, atque adeò eos punire. Hæc Valentia.

## FINIS TRACTATUS QUINTI.

Tamburinus de Sacraq[ue]reis.

Hhhh

TRACTATUS

23. Neque ipse idem nobis obstat, dum paulo post, sic addit: Si quis venderet alterè vinum dilutū, quod perinde sit illi futurum usus (Quia emit tantum bibendi causa) licite poterit tacitus illud vendere pro justo pretio. Non, inquit, obstat, nam illud pro justo pretio, si bene contextum ejus doctrina expendas, significat illud (demendo de pretio, juxta ac demis de mensura.) Et quidem in eo casu, quo ex malitia nollet Emptor dare justum pretium, ut modo ipse Valentia dixit, & ego latius ibid. b Lib. 8.

24. Notas Tertiò, quam moderatè dein- cito De-  
de monet Bonacina, arcendos esse ejusmodi cal. Tr. 3.  
Venditores ab ejusmodi misionibus, & c. 7. §. II.  
fallaciis. n. 5.

25. Et tamen Diana, c. ut ad ipsum deve- c Diana ap-  
niam, sic habet: Putabam hanc sententiam con- 1. rr. 8. ref.  
cedentem prædictam misionem citatos Doctores 51. quem  
dum taxat (Joan. la Crux, Lessium, Homo- sequitur  
bonum) Patronos habere, sed postea inveni Bo- Marc. Ser-  
nacinam virum doctum, etiam illud amplecti. rain 2. 2.  
Et probat validissimis rationibus, quas accipe. 9. 77. art.  
Hæc Diana, qui deinde exscribit rationes 2. & Mē-  
modò à nobis allatas, rejectasque; ut sane do in Bulla  
posset quis exclamare, proh validissimas ra- Cruciata  
tiones, quæ tam facile infirmari potuere: d. 34. cap.  
Addo Primò, vix Bonacinam posse dici eam 20. n. 217  
opinionem in praxi amplecti, à qua arcendos  
tam severè monet Venditores. Adde Secun-  
dò, qua veritate posse illum citari, quasi ab-  
solute concedentem, si ipse disertè limitat ad  
eum solum casum, quo prævideatur, vinum  
non esse servandum? id, quod ego notavi,  
ejusque, quamvis limitatam concessionem  
numero decimo rejeci. Adde denique Tertiò,  
si quamvis Bonacina, aliisque nu. 10. citati,  
benignius quid indulserint, re, si nunc vi-  
verent, maturius considerata, futurum  
fortasse esse, ut in posterum idem  
non concede-  
rent.

OS) O (S)

8